

盧龍縣志卷六

廟壇祠宇

關岳廟 在縣治東南即舊縣文廟正殿五間民國四年合祀現在祀典又不舉行院

內爲建設局種植園

關帝廟一在舊縣治東一在南甕城一在北城上一在東南隅城上今廢

相傳明崇禎甲申郡人見城上雲氣

中有一大人扎巾戰袍赤面長髯拱手向東立須臾大兵追闖賊至方悟是帝君迎新皇帝也後遂建廟於此故他處像皆宛施此獨扎巾戰袍焉

一在九百戶莊東

西望清涼河東鄰沙河憑高四顧爽氣盈眸考

具碑碣明弘治己酉年本村韓文與其妻許氏首建三元殿崇禎九年經村中善士又建關帝正殿清乾隆四十七年復增三皇殿地址遼闊棟宇輝煌亦鉅觀也民國十五年第二高級小學校由郝家院遷於其內

按明治祀關侯于鷄鳴山每歲四孟及歲暮遣府官祭五月十三日以候生辰又遣太常寺祭備漢前將軍漢壽亭侯萬歷中封三界伏魔大帝神威遠鎮天尊關帝君清順治九年封忠義神武關聖大帝各府州縣以春秋仲月上戊日及五月十三日

致祭雍正十三年復增封三代祀於後殿雍正五年加享用帛一爵三牛一豕一簋豆各八乾隆三十三年加封忠義神武靈佑關聖大帝

乾隆五年部頒祝文維帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應不竭薦馨香於歷代屢徵異跡顯佑羣生恭值嘉辰遵行祀典筵陳簋豆凡奠牲醪尙饗

祭關公三代文維公世澤貽休靈源積慶德能昌後篤生神武之英善則歸親宜享尊崇之報列上公之封爵錫命優隆合三世以肇禮典章明備恭逢諒吉祇事薦馨尙饗

南甕城關帝廟聯云屹屹鼎分偏安屬魏屬吳正統至今歸漢室巍巍天並傳代幾王幾帝神威如在翼熙朝

精忠廟 在北門甕城內祀岳忠武王康熙庚辰浙人翁贊育建

城北二十餘里有岳家莊相傳係雷雲之後因忠武王被害流

竄此邦至清高宗南巡駐蹕湯陰加封王靖魔大帝勅忠武後人流寓他省者均得春秋奉祀故岳家莊人於乾隆丙辰合族同至永郡北維城精忠廟致奠廟額列名後裔有岳鍾賢鍾靈鍾瑞存智存瑞存理挺生英武均係邑庠生

山門聯云 矯矯孤臣何日敢忘瞻
北闕森森古木至今猶表向南枝

清節廟 在孤竹故城舊址無考

明洪武九年同知梅珪移建於府城內東北隅故秦五平知府張茂復建於孤竹故城在府西北二十里成化九年王璽修廟落成奏請賜額清節廟康熙四

年知府彭士望修建四十年蔡維賓重修乾隆八年十九年兩次臨幸有御製詩碑及和親王詩嵌壁間其廟外左一碑題曰忠臣孝子前明崇正閣陳泰來草書又一碑題曰到今稱聖明明萬歷間江右李顯八分書定於春秋二仲丁後二日致祭用

羊一家一黍
盛肴核數器

元至元十八年封先聖伯夷叔齊諸公蓋聞古者伯夷叔齊過孤竹之封甘首陽之餓辭辭以明長幼之序諫伐以嚴君臣之分可謂行義以達道殺身以成仁者也昔居北海之濱心廟東山之上休光垂於千古餘澤被於一方永懷孤竹之風庸示褒

崇之典於戲去中國而辭周粟曾是列爵之可廢揚義烈以激清塵
期於世教之有補可追封伯夷為昭義清惠公叔齊為崇讓仁惠公

明成化九年欽降清節廟祭文云維 神邁國金仁諫伐存義為
聖之清千古無二懷仰高風日篤不忘庸修歲紀永範綱常尙饗

元馬祖常清聖廟碑記云大元建國金燕以御華夏永平為甸服服肱節至元十有八年世祖皇帝甫平江甬五歲矣即慕干戈放馬牛而不用大召名儒修禮樂之事勅有司咸秩無文於是永平郡臣以其邦為孤竹舊壤伯夷叔齊兄弟讓國之所也

列聞以請大臣以聞上曰其令代言為書命以褒之益曰清惠仁惠於今又五十年矣郡臣前後凡不計幾人漫不加意茲者某年某官等乃狀上書曰郡境廟像清惠仁惠之神歲無牲牢祭品不備領祀無官尙書秩宗有禮有義謹以告其曰曾太常

議制白丞相府符下永平曰夷齊求仁得仁廟食固宜歲春秋獨吉具儀有司行事符且書矣乃重白丞相府以孟軻稱伯夷聖之清孤竹其宗國也今既像設而廟食之宜以清聖額廟丞相府僉曰允哉嗚呼大道之鬱也則民烏得而知古焉士蓋有

一二世不知其傳者大道之彰也則民不識金革賊闢之暴內則有父子夫婦相與飭於禮節外則有官師之教朋友之交相與讓於古豈獨知已之所傳又知當時之名世者兩傳之則是永平之人遭逢國家之隆而沐浴大道之彰也吾將見行者讓

途耕者讓畔學士相讓於俎豆工商相貸以貨而市價不二矣推本我世祖
皇帝教化之意願不由此與邦之人尙爾其志而施行哉毋徒神之而已也

明商輅清節廟碑記云成化九年癸巳前監察御史知永平府事臣璽上言是郡實孤竹舊壤伯夷齊所生之地也祠夷齊弟遜國而逃節義懷懷雖百世猶一日故孔子稱其仁賢孟子稱爲聖之清迨夫宋元加之以封爵至我朝洪武初再飭祀歲久祠圯祀亦尋廢事載大明一統志可考見矣竊爲表章前賢風勵邦人臣之職也因謀諸同官捐俸倡義鳩工歛財重建正堂三間翼以兩廡門二重神庫廚齋房爲間各三楹役初是歲春三月至秋八月落成廟有餘地數百畝以付居民侯玉等種之歲收其租之入供祀事伏惟皇上追念二賢生平節義賜以廟額庶幾永終弗墜臣璽昧死以請制曰可賜額清節並降祝冊命守臣春秋行事如儀恩典渙頒軍民胥悅於是守具事狀加書介郡人通致司掌司事兵部左侍郎張文質囑輅爲記謹案孤竹有國封自殷湯傳至夷之父墨胎氏將死遺命立叔齊叔齊遜伯夷伯夷曰父命也遂逃去叔齊亦不立而逃之蓋伯夷以父命爲尊叔齊以天倫爲重其遜國也皆求所以合乎天理之正而即乎人情之安誠有功於世教如孔孟之所稱道是已夫有功世教雖天下猶將祀之況宗國乎太守此舉可謂知所重矣是以朝命允俞禮秩有加自今二賢節義益以表白於世殆見遜讓成風民德歸厚由近以達遠舉一以勸百夫豈小補云乎哉噫邦人士毋徒以祠祀視之則善焉用書以爲之記

明蔣超祭伯夷叔齊文云維陽山之鍾毓肆瀦水之漣漪鬱真操之皎潔秉大義之崔巍配扶輿而並立夾日月以同飛覽輕其骸履朱戶視如蓬扉雖徘徊於巖穴實寐寤於京畿回周原之六轡挽商日之餘暉天網懷其樁柱地極奠其傾欹武周聞而心折孔孟仰爲師資悵飄飄於冠劍空滅沒於音儀揣神遊而莫定訪埋照其焉依想子臧之戀宗國悲鍾儀之操南徽魂遙遙而返鰥身兀兀以扶犁撫中子之弱存喜宗拓之留遺料雲旗與風馬必暮漆而晨澀義感均於頑礦瑞液決於芳菲鴻哀鳴而死節麥挺秀而連歧讓容城之讓爵激碣石之窮嫠綠三倫而表獨留萬古於幾希關人禽而下鍵揭仁義以爲旗痛彼婦之呶譟謝薇蕨之紛披白鹿跪而獻乳清泉灑以投飴終逍遙於桐柏證仙籍於紫微超忝學校之綱領乏禮義以提攜羨此鄉之渾樸秉誠信而不移販夫恥競於二價儒者躬修於耘耒望松楸而投涕撫榱桷而凝悲喧櫛棧之鳥雀貫庭戶之蟬蟻聞圭田之遠播擬鐫俸以留祠知達人之竊笑真賢婦之庸詞曾圭組以棄捐何莘豆之從違方纓綿於禁火欲親薦於簞其徒鸞檀而作供亦駭錦以陳詞雖物微而誠結愧鬼是而人非斬顛毛而布擲剖心血以餽餓夫子諒有明鑒庶援七箸以嘗之

明柳識弔夷齊文云洪河之東兮首陽穹崇側聞孤竹二子昔也餒在其中偕隱胡爲得仁而死青苔古木蒼雲秋水魂兮來何依兮去何止撥澗溪之毛薦精誠而已初先生鴻逸中州鶯伏西山顧微蕨之離離歌唐虞之不還謂易暴兮又武謂墨統兮胡顏一托兮忘饑若有謂兮於巖之關豈不以冠敵在於上履新處於下且曰一人之正位孰知三聖之純嘏讓周之意不其然乎是以知先生所恤者偏矣當昔夷羊在牧殷綱解結乾道息坤維絕鯨吞噬兮鬼孽王奮厥武天意若曰覆昏暴資澹

哲於是二老歸而八百會一戎衣而九有載況乎旗錫黃鳥挂命赤鳥俾荷鉅橋之施俾申葵里之辜故能山立雨集電掃風驅及下車也五刃不殲於武庫九駿伏轡於文途雖二士不食而兆人其蘇既而溥天周土率土周人吁嗟先生逃將奚臻萬姓歸德兮獨鬱乎方寸六合莽蕩兮終踟乎一身雖忤時而過周終臣心而側殷所以不食其食求仁得仁然非一端事各其志若旁通以阜厥躬應物以濟其利則有貞節之規各親之事靈乎靈乎雖非與道而保生乃勸爲臣之不二

明王世貞弔夷齊賦序云盧龍故孤竹也城西有伯夷叔齊祠吳人王世貞奉使過此酌水酌焉而爲之辭曰余奉輅以東近兮策馬放乎令支山岵嶇而鬼壘兮衆草鬱鬱而條緯僉兇逢余於卑耳兮武夫礪礪其參差日青帝之握樞兮顓改照沈湮而憎悽元宮承雲而黜黜兮僉告余二子之所都光回慮以返照渙兮泓踏靡而內疑足次且欲卻兮又雀躍而前趨段舍光劇余之素兮拔清冷使濯余之歲晏招沈湮以醢醢兮裏朝霞以爲銀鯨嘘元冥之竅機兮噫噫捐歌之懷憤受哀絃於太娥兮涓延和之以清商靈蕭蕭而若睹兮冀回瀟瀟乎微躬又悅愉我不可節兮掌夢疏市以奚從眺孤竹之宴曼兮白要靈以故紡生烈舉而脫履兮審鬱鬱處彼幽方溟波委輪瀛貉兮笑蒙難而延宗靈庶借以翔遊兮語侏離而不可通北海決滄靈所辟兮受淳濤使不得甯將岐豐沃以愉兮靈又薄周德而莫宮諸毗綿廷具區兮太虞夷猶於其旁光德配而耦娛兮靈謂狎附乎馬盟陂阨首陽忽舉寧兮益微以基之芬芬靈閭闔下而臨將純駕以憩息掌夢申中以表誠兮豐隆與而來假寬車殷殷以副續兮皎雙鴻之次翼野寶璐而陸離兮舍籬正以彌覆介九賓而見予兮祝史要予以靡貳伯從父以成命兮叔遠新以成德俶舍君以明志兮既殉主以明極昔巢父之讓皇兮託勳華而稍佚尹五就而拯塗兮慨然面故主以惶惓謂題踐以死名兮莊任誕而廢節遷曉曉於驥尾兮嗜微聲之有託彼棠修辭而求白兮卒牢慊沈乎湘澤釋鄙人之無怨兮迺從容於天則世滔滔而益涌兮戰伐葬其札仍顧蒿目以揆據兮競含沙而盡光鸞虞草以伏食兮於菟誇咀夫衡主陽鱗之翽纖鱗兮假蜺神龍以自矜靈既悼農虞之忽沒兮氓躑躅而殷慕愧突梯之苟容兮將捐足乎靈側胡司命之不晰微兮抑餽糟以昏驚盼嫵娥之要渺兮涓濁軀而不及顧

清聖祖 御製夷齊廟詩序云永平府治西古孤竹城夷齊廟在焉灤水經其前清風臺峙其後倚巖俯流足以登眺夫夷齊孤竹君之二子也能讓侯封不食周粟採薇首陽山獨行其志孟子以聖之清稱之蓋人惟能立節自可垂名夷齊之去國潔身不求人知而廟貌千古迄今猶存吁造詣其可忽乎哉詩云灤河水清駛荒山屹然峙上有孤竹城亂石半傾圯堂廡既具觀廟貌亦儼爾緬懷商代末天下漸披靡茲地實藩封人民差可恃兄弟以義讓富貴如敝履叩馬諫周王數語昭青史遯跡首陽山薇蕨何其美萬載挹高風頑儒聞之起蒼蒼臺下松蕩蕩臺前水勁節與澄流不愧相比擬停鑾碧山阿懷古未能已

清高宗御製夷齊廟詩序云盧龍孤竹城夷齊廟在焉史稱夷齊恥食周粟餓死首陽詩云采芩采芩首陽之巔疏謂在河南蒲坂而莊子則首曰陽山在岐山西北曹大家云在龍西元和郡國志謂首陽山在河南偃師說文又謂在遼西則是首陽凡

五各有証據而其爲夷齊餓死之處則一也將孰之從惟遠史所載營州鄰海軍下刺史本商孤竹國今之盧龍即遼營州地也爾雅所舉孤竹北戶注謂孤竹在北周時幅員不廣其以此處爲極北固宜然則說文所謂首陽山在遼西者此爲近之殆以詩在唐風而叩馬而諫當武王伐紂之時由是歧隴蒲阪皆附會其說耳夫夷齊清風在天下何處非首陽豈疆域爭乎冕旒而墨胎以祀者尤非其志因係以詩而考其說如此詩云軒冕泥塗是本腸肯容儒雅污冠裳微蒼依舊西山帖頑懦羞登夫子堂只爲心慙蹤異武敢將口實罪歸湯豈爭關右還蒲左天下清風盡首陽又云得聖之清孰與齊首山途便此憑躋爲傳公信及公達底較遠西復隴西何事宋朝錫圭冕可知夫子視塗泥史遷慨羨青雲士未識浮名本稊稂又云墨胎或謂夷齊姓劬謂夷之君姓然千古氏誰能辨實二人行果足稱賢頑夫廉

以儒夫立公信原兼公達傳古廟瓣香仍下拜清風颯颯起遙天

又夷齊廟四景孤竹城詩云令支讓國先延陵孤竹誰知中子名太白一篇真卓識淮南尺布獨何情

揖遜堂詩云堂名揖遜是誰題回跼評量語不稽遜也亦知天道否千秋尸祝屬夷齊

屈蟠松詩云清風臺畔屈蟠松偃折盤盤翠樹濃高詠西來采薇句果然無礙後凋逢

清風臺詩云灤水迴環曲抱洲崇臺百尺枕清流喬松古籟拂衣落快與前賢共唱酬

又夷齊廟詩云墨胎可比伯夷賢戊戌會經此泐篇應劭又云國君姓千秋究史軌真傳

清仁宗御製夷齊廟詩云葆祠幾度六飛臨二老孤忠感容吟知命難從齡錫主愛君共守歲寒心秋風古殿松杉老夜月空階猿鶴尋大節獨標千萬世昭然遺蹟兆民欽又恭和元韻弟兄清節標孤竹遜讓原根天性然心願求仁不求位名真先聖與先賢封齊大業雖能建叩馬片言孰並傳回首磻溪塵蹟泐崇祠終古立青天又恭和四景元韻孤竹城詩云叩馬登山往蹟陵巖城猶著二難名千秋清節傳青簡終古依依兄弟情揖遜堂詩云永懷勝蹟孰留題聖許求仁語可稽揖遜標名名實

副居人世代仰夷齊屈蟠松詩云本性堅於萬古松貞姿不謝綠常濃停變靜對軒轅幹二老應欣聖世逢清風臺詩云百尺崇臺俯綠洲灤河幾曲繞欄流圖成四景重攜藻天籟冷然空外酬

又御製夷齊廟卽事詩云孤竹遺蹤古籍傳至今廟祀尙依然頑廉懦立清風著叩馬批鱗大節宣二老昭垂名總正獨夫宜斥論終偏得仁何怨甘恬澹展拜抒吟欽哲賢

清仁宗御製詩云巍然廟貌景前賢昆弟同心節義宜叩馬精誠貫天地千秋信史
美貞堅崇祠展謁慕高風儒立頑廉濟世功樂道得仁又何怨浮雲富貴總空空

清彭士聖重修清節祠碑記云祭有十倫非求福也先王神道設教立學禮先聖先師虞夏殷周則以舜禹湯文爲先聖各取
當時左右四聖者爲先師漢高雖祀孔子太牢先聖先師號尚未正至安帝始隆闕里唐武德中釋奠太學猶以周公爲先聖

太宗用房元齡議乃停周公升孔子以顏淵配而先聖先師始定其後學校並祀名宦鄉賢諸凡古聖先賢忠臣義士節夫烈
女亦得專祀於里蜡祭報神漢儀猶曰報諸鬼神及古聖賢之有功於民者也迨二氏教興倡以禍福動民愚婦愚夫惑資冥

福紺於琳宮侈極金碧反將膠庠古祀茂草荒烟希福開正俗使然矣永平屬古孤竹探薇二子起而季遜國叩馬清節萬古
爲昭上而孔孟亦稱曰賢曰聖且推爲百世師是夷齊已在先聖先師之列雖不能如孔子崇祀天下學校而祀諸宗國今清節

祠留洞山之陰俯臨灤水當與孔子闕里等固不僅若他賢尸祝於鄉而已予壬寅來守春秋例得率屬致祭是夏相國范公
承祀祖陵東旋追陪清風台上紀之以詩目擊祠圯實維有司各祀不祀固無與二子而稽自漢熹平五年已有祠唐天寶七

載祀義士八人於郡縣崇祭則自此始宋大中祥符四年會訪廟遣官致祭清惠仁惠謚號則封於政和三年進侯加公則更
於元至元十有八年至順元年頒廟額曰清聖古廟久廢曾移於郡城內東北隅爲明洪武九年郡丞梅珪所建未幾復廢景

泰五年郡守張茂乃重建於孤竹故城成化九年郡守王璽請於朝賜今額御定祭文詳載元中丞馬祖常明學士商輅兩記
甚著洪治十年郡守吳傑重修有行人張廷綱記之嘉靖二十六年郡守張珖重修規制大備有侍講袁煒記之四十二年備

兵使者溫景葵始於廟北隅隔河建孤竹君廟隆慶六年郡守辛應乾萬歷十一年兵備雷以仁郡守任愷二十七年郡守徐
準曹代蕭等皆經重修代蕭且復同給諫白瑜輯夷齊志嗟夫首陽一餓民到今稱台城同此一餓尙肯捨身同泰未聞頂禮

先世餓夫乞衣鉢斯民之不遑從事於茲又奚足怪禮曰有其舉之莫敢廢也非其所祭而祭之名曰淫祀淫祀無福狄人傑
奏廢天下淫祠吳中止存泰伯季札四祠如太伯季札者諱廢所不廢夷齊有功世教惡可聽置俎豆不尤爰謀諸僚屬咨於

士民積黍爲銖延至甲辰夏尙未及千金待鳩工庀材卜吉啓土不期大雨灑漲平城道沒弗克往又越月餘水退口外衝入
木植集廟下如有夙購筏至計獲命工度之已贏止需輒瓦灰釘並匠作食用因以所募金顧濟俾盧龍李令守掌擇鄉耆督

工經營論廟制規範宏鉅非數千金不可用力少而程工易所賴浮木居多時會相值似亦有神助云是役也工肇於康熙三
年甲辰夏閏六月至十月終粗完沅寒暫輟越明年己巳春融加以丹雘四月既望迄用告竣門樓殿宇臺廡庫廚齋房咸撤

易煥然一新其孤竹君廟就毀恐墨胎文字異視未安且於孔廟啟聖祠意有吳陋茲土實此君舊服是應相繼修復往雖有
廟戶恒別處廟夕不之顧尙或利其木石而反侵損之舊存地籍固可考多被隱佔清出擇僧舍守本不宜用浮屠籍司香火

歲以用供祀事並食之庶不致斯廟無守而仍爲曠廢也予乃進邦人而告之曰爾思享福易若遠禍禍機實兆於爭止爭莫
善於讓爾邦人嘯稱其清風口久今新其廟歲時伏臘瞻拜其前仰而思爾邦之前人爲子如是爲臣如是爲兄爲弟又如

即當日審爾宜何如爲子爲臣爲兄爲弟縱不能比節致謹而試先師其讓始而雍容於門內雖充此操於鄉黨朋友之間無不以遜讓相期廉隅共砥自然訟獄衰息室家和平內侮不生外患不作於此鼓腹康衢優游盛世以載揚神休誰謂祭不獲福

清和親王詩云敬受吾皇令并誠謁二英孔稱仁已得孟曰聖之清維世綱常定持身節操明愧他冰與雪未許比昂盤又云廟貌林山古蹟幽雙魂節烈亘千秋頑廉懦立無窮羨效武稱湯實可羞孤竹城垣成往恨首陽薇蕨至今愁黃旆戰馬歸陳事惟有灤河曲水流

永平兵備道遼黃石鎮國碑記云廟有膏腴地一頃五十六畝是先朝嘉靖間少司馬張公珖前任永平太守或二聖之夢捐俸鍰而置者授廟戶侯李何岳四姓世爲守之歲輸穀二十石柴價三兩一錢二分於縣官爲本廟修繕之需垂今百有餘年突被劣衿石謨積快錢時魁等藉以圈補一朝而奪之無敢問者予四月八日偶司餉司孟公爲郡外之遊因單騎謁廟見壁垣亭榭非昔供器袍幔全無召廟戶李吉諸人而訊之始以香火地被竄之情泣告余聞之不勝髮指詰旦即約太守李君慨然定克復之議尋余草牘申聞於撫臺鄒公案臺黃公學臺張公俱蒙諄諄嚴飭在案爲千秋砥礪風節何宜之隆與是日也侵地已編入民糧當求所以易之查孤竹之墟尙有中下地可撥焉該府縣立拘石謨等取供寧以二頃抵還一頃五十六畝且贊而野彼不口罪之不遑著且認退狀反其故物於廟戶之矣然猶恐其不可以久守鳩工勸石并紀同事者姓名於左俾後之仁人君子共篤新盟勿替引之順治丙戌

知府孔熒所清聖贊云吾祖稱賢孟尊曰聖聖也賢也天倫父命綱常千古風節河勁想像遺墟瀟瀟莫定維茲肥如爲我皇敬宋司馬光題夷齊廟詩云夷齊雙骨已成塵獨有清名日日新餓死溝中人不識可憐今古幾多人

明郡人韓應庚謁夷齊廟詩云清聖非苦節迺見綱常先君父固攸重子臣情堪憐此情不自己奚恤後譽延邈矣探歲事市朝已數遷誰招餓夫魂廟食首陽巔寒松覆碧瓦古殿生黃烟遺像儼生存咫尺手足連拱拜瞻容色恭遜藹周旋盤無周室粟隴有同山田稔盛戒清醑伏臘華肥鮮光燦北海濱歷歷三千年高風自長久汚世空顛沿所以嗟貪夫身沒名不傳

樂亭王好問孤竹懷古詩云鎬京商邑總蒿萊千載何人弔墨胎啼鳥仍傷人世改野花還向故園凋荒城隱隱水聲去古殿躊躇山勢來一望悽然成曠感塵車欲發更徘徊又讀伯夷傳詩云綱常萬古同天久功利須臾過眼無請看渭水鷹揚者不薄西山二餓夫

明朝鮮柳夢寅夷齊廟詩云首陽蒼翠鬱巖巖水悠悠也自波土俗尙開孤竹廟邦人能唱採薇歌一時賢士知俱出萬古高名間孰多此也清風吹不盡荒臺只是舊山河

高第夷齊廟詩云樹壓荒城古廟幽千年遺像意悠悠探薇高節首陽在孤竹清風濡水流香火山翁頻伏臘滄桑世代幾商周我來瞻拜增傷感不爲登臨覽勝遊

清顧炎武謁夷齊廟詩云言登孤竹山憶焉思古聖荒祠寄山椒過者生恭敬日里亦足君未肯瀉吾性遜國全天倫遠行辟虐政甘餓首陽岑不忍臣二姓可爲百世師風操一何勁悲哉尼父窮每歷邦君聘楚狂歌鳳衰荷黃機轡自非爲斯人棲棲無乃佞我亦客諸侯猶須善辭命終懷耿介心不踐脂韋徑庶幾保平生可以垂神聽

魏家樞巡行過北平登孤竹堂望伯夷叔齊廟有感詩云孤竹何崔嵬兩聖高千古仰止夢魂間有懷常欲吐安得置山巔瓣香頭一俯告我希聖心難濟蒼生苦懷懷對簡書汗下渾如雨此行負朝廷愆尤何日補遙望乞神靈相助驅豺虎灑水自無

波澄清
在畿輔

尤侗登孤竹城拜伯夷叔齊祠堂詩云孤城鬱鬱巖巖臨河激寒響清風縹緲之白雲翔其上中有古賢人端然肅遺像此後已邱墟精碑自天壤金石永令名俎豆芳將享勁驅迴頽波頑澗與慨慷我來北海濱欣對西山爽駐馬俯平疇陟階墀荆莽百年喬本堅三春芳草長高臺開鳥啼遠水明漁網撫景迴幽瑟披襟頓超朗薄宦亦苦饑懷古用自廣行行歌採薇寤寐仁遐想

宋元伯謁夷齊廟詩云孤城烟雨中長河遠百折驅馬越陌阡蘿蘿廟貌設陰森鬱喬松斑駁欹石碣二子餓首陽孤竹尊高節嗟彼黃與農灑水常澄澈波光淡不流山色遠還滅陰晴崇朝移烟靄衆鳥悅夕陽滿中流發棹聞幽咽蕭鼓夜未央歸舟月如雪

范文程遊孤竹城置酒清風臺詩云讓國清風百世師陰陰松檜蟻空祠黃農事業應無異山水肅森自不移石動龍羅分大壑城荒鳥鵲下高枝接羅同醉花間酒絕勝襄陽訪習池孤竹城空隱夕陽山中笳鼓漫悠揚穿林間聽松杉韻隔嶺遙聞薇蕨香漆水波瀾交宛轉灤河島嶼自蒼茫登臨賓佐多清興長嘯高臺明月光

澤州陳廷敬夷齊廟詩云清聖祠堂滄海邊首陽往事尙依然崢嶸泰伯興周日寂寞成湯欽桀桀年萬世君臣今論定古來兄弟幾人傳只將一勺漿江水將取山微薦豆籩

錢塘高士奇過鳳龍縣孤竹城恭和御製夷齊廟詩云史遷著列傳夷齊乃居首慷慨念聲施青雲期不朽砥行與立名茲言亦藉口敵履視千乘身後復何有西山云恥周北海亦避紂抗懷天地間踽踽絕儕偶退向渺疇昔憑弔獻重更附會探微跡洛陽或隔右適來孤竹城庶宇崇丹勳攝衣歷虛堂儼然肅冠綬白日暗階除寒煙生几牖寂寂荒祠春頑懦咸奔走粵稍祥符中加以侯封久古人如有知一笑同芻狗借問墨胎祀奚若首陽壽翁與清且仁千秋良獨守

東蔭商謁夷齊廟題詩云秋馬西周客維舟北海濱關河猶此地今古有斯人松老荒詞月山間故國春自憐蒼藜士終愧採薇民

李士懷謁夷齊廟詩云許由三皇賓遇帝則洗耳夷齊帝者師遇王輕一死器識故有恆各視其相取使其在勳華定當不爾爾虞夏何風規孤亭俯寒水

會稽陶元藻過孤竹城謁夷齊廟詩云茅土何人錫與亡肯晏然行歌採薇日灑淚渡河年古廟空原上荒城落日邊油油禾黍地惆悵舊山川

王金英詩節廟古松歌云沙石拳礪巒江澄江上山圍孤竹城有松萬本環城生蒼鱗白骨顏色貞就中數株尤殊形知是何年芽薺萌一株側臥虬龍蟄之而牙爪何猙獰枕以巨石珠在額有時風雨恐飛騰一株團圓葆幢立綢繆糾結枝交榮平鋪坐席可茶話何由得此天然棚殿垣終古倚霜雪深夜彷彿神衣憑周遊更歷崇臺上俯瞰邱壑胸次清臺畔一株又奇絕白尺中折倒垂青有如羽士頽然醉解衣磅礴翻衣輕移時靜坐好風起謾謾乍聽琴誰橫忽然變作海濤吼萬頃鏗鏘潄潄吟古槐老栢相儔匹仙材得地呈精英過者摩娑增歎息香林太守含深情濟南仙吏今妙手爰命作繪鐫瑤璣約我哦詩紀盛事好隨二老隆聲稱君不見闕里檜尼山手植今猶榮俯仰上下歷千古廟堂燦列如日星此松雖非商周物要亦時代幾變更使君採風重靈跡特報明主宜兢兢昔日況會邀容賞宮壺寶墨揮繅繅小臣珥筆則豈敢吟聲唧唧竊比應候秋蟲鳴又自註云御製夷齊廟之四景有屈蟠松絕句一首

蕭山張文瑞春庭夷齊廟詩四章云遲遲春日卜茲芳朝言策我馬於彼雪郊清風有臺上微雲霽我遊其下采薇之苗豈無清流我纓斯濁豈無高山供我遐矚古人有言惟日不足迨此良辰云曷不樂言有春衣豈必浴沂亦有童冠可以詠歸雖有絲竹清風發揮西山夷齊邈焉莫追瞻鳥爰止伯夷之廬我行其野舍此焉如青山在眼名酒在壺有風自東飄飄吹余

案康熙志原係張作乾隆志誤爲徐作今正之

孫廷玉清明日弔伯夷叔齊用尤西堂先生重九賀新郎詞韻云節屆清明矣駕輕舟尋芳訪勝流連潑水健羨夷齊兄與弟自古及今無幾瞻故跡何禁流涕翠柏蒼松風謾謾惜首陽山上惟餘此况復際紛紛雨當年事亦難言耳重倫常忠君尊父

棄遠鄉里採藥荆蠻推至憲差擬仁人君子終不顧飢窮而死月印江心留萬古幸清風岩濛濛波裏化頑懦皆興起

仁和傳以憲謁清節祠詩云俗子拜清光清風冷俗腸求仁雙去國取義獨存商馬首詞何壯山中蕨更香周幾今已矣孤竹不滄桑

山陰金堂謁清節祠詩云惟二十兮高風超終古兮覓絕綬故土兮立廟承天子兮褒錫奉蒸嘗兮蒞蕉馨勞髡兮徵厥敵雨廡兮會鼓響繁音兮促節光偃蹇兮雲旗縈縹緲兮靈魄在天上兮乘箕尾歸祀像兮棲松柏與柏兮乃負靈傍西山兮擬

高節後世無此義兮深太息予登臺重爲題曰日見官民廉蹈茲孤竹里清風激臺上臺下得興起

禮部尙書徐瓊青節祠詩云國統人推仲子承首陽甘餓有餘清兩逃兄弟彛倫重一諫君臣大義明殷地既非微自老周邦雖有衆無生故墟古廟懸旌額築逆相過愧豈勝

南皮張太復謁夷齊廟登廟門樓作云望望孤竹城去北平路瀾瀾一水間曩曩長橋渡峨峨見臺殿清聖旒旌具升堂展謁餘門樓信飛步浩浩灤河流鬱鬱首陽樹山川良昨新城郭諒罪故長令百世下廉立到孺婦采采薇微香清風有餘慕

又夷齊廟古松詩云我昔游晉祠周柏瞻嶙峋前一偃蓋松排空卻橫陳柏直穿白雲松曲走電輪當時詫奇觀欲去還逡巡茲松態離奇怪變尤絕倫拔地不竟丈斗下垂其身倒走欲及根奮爪而張鱗一折忽上出怒尾捎青旻翠鬣陰蔽歛蚪卵實

結瓊不知所種年母乃先封秦觀其狀則屈蓄其勢則伸殆如夷齊儔獨行無比鄰不學周頑民不作周嘉賓一諫不得當去去稱逸民具身甘屈蟻其志高絕塵樹木與樹人萬古相依因我來重摩挲頑懦同一振颯然風雨來如在黃虞春

劉青選夷齊廟屈蟠松歌云清風百代今猶傳古廟嵯峨欲凌煙亮節不曾少屈膝蟠松猶知倚前賢君不見濤聲在空半隔院亭亭拂影如羽扇人言微蕨今猶生豈識古幹尙未變我策蹇驢嶺不行奇才並與奇人見檻外婆娑風飄飄危磴支離疑

蛇縮尾自長兮音自和鬱鬱蒼蒼盡入眼

樂亭李善滋謁夷齊廟詩云孤竹遺墟古斯人宛在茲一方存廟祀百世仰紳資渺矣西山跡遐哉北海思清風臺畔立惆悵采薇詞

吉林德祿謁夷齊廟詩並序云丙戌春二月永平試竣偕太守吳自堂盧龍大尹方結南展謁夷齊廟撫摩古松繼登清風臺眺望雲山俯臨灤水漁人網得鮮鱗數尾烹食供酌盡興而返局闌已而月校十多辛苦偕伴謁名祠距城剛數武舊爲肥子

國夷齊生故土廟貌懷森嚴虔誠肅拜舞人門仰先賢遺像衣冠古堂上列弟兄讓國惟義取緇想當年心軒冕汗眉宇至今百世下頑懦思奮舉歷朝崇褒封祀典重昭俎兩邀玉距臨標題勸聖主石碑篆剝落吟咏滿庭廡老松幻奇形宛轉如臥虎

一枝枕牖出回龍似顯祖又有插天高倒垂若玉柱此殆冰雪委化作□□徐步清風臺冷然沁肺腑到來塵念消高潔輕
伊呂對岸孤竹祠推本故尊父山險依灤江滔滔似劍弩四面雲峯合變態常所覩長官具雅興小艇消數罟舉網得鮮鱗佐
酌烹餚酬劇談付深杯投契獲賢侶太守素名流方君亦
翹楚酒酣無拘束樹影日過午此行留佳話援筆記端緒

壽陽祁冀漢夷齊詩云行殿鄰祠宇平原駐旆旌舊傳孤竹國今
作萬松城海氣逼秋冷山光助晚晴采薇賦于役還勵此心清

學使程庭桂謁夷齊廟步魏果敏公韻云商季有聖人忠孝摺萬古讓國得其仁叩馬辭直吐稱賢復稱聖孔孟咸首俯今日
蘋繁香當年薇蕨苦持衡來此邦教化之時雨志勉冰壺清官慚衰職補蔚州有名臣雲風會龍虎清聖不可希心儀此頌輔
遷安馬恂夷齊廟屈蟠松歌云偃塞松身傍地走臥雨擎雲歲年久孤標自欲干青霄逢著夷齊一低首夷齊特立超羣倫聖
之清者惟天真地折天回存本性不朽豈數青松身春風一夜穿林杪老樹柔花爭媚媚吹墟乍荷東皇恩萬緣千紅喜回繞
此松此際如不知支離自老奸誰委叩馬夷齊忍橋餓大義不為周仁移或謂高賢甘澗壑抑鬱如松屈林薄豈知夷齊非隱
淪儒立頑廉倫紀託德祠廟貌瞻夷齊摩挲古幹盤階低涼陰下覆薇蕨老驚濤橫捲歌聲淒蒼雲市地團山月蜿蜒曲折出
龍骨眠柯化石回清秋坐來疑踏冰雪窟清風謖謖懷古
寶宸題炳耀輝山川老松蟠屈倚階陞待學夷齊千萬年

楊在汝謁清聖祠詩云風煙孤竹國秋杪此登臨薇蕨實人隱松
杉古殿陰階前容納履臺上可披襟千載應如昨頑廉懦立心

山海使者刑部尙書崇實夷齊廟詩并序云同治甲戌六月奉命出使過北平謁夷齊廟正思題詠入行館後見堂上懸額乃
環極先生當年之作其職任正與實同因步原韻以誌景仰詩云峨峨孤竹城懷懷自千古山石亦不頑清流互吞吐停車肅
明禪心折頭先俯王程不敢留塗炭忘忘辛幸生虞夏時枯微沐甘雨誰無
臣子心明聖究何補平生手中節四握龍與虎廉立食有期清風滿畿輔

知府新化游智開謁夷齊廟詩云停車孤竹城風物近醇古傭販息喧競童穉歡且舞緬懷逸民賢遺像肅祠宇亭亭雙長
松夾道枝交附循階步履臺清風動遐舉雲山鬱蒼蒼飛鴻渺何許惟見灤河流漠然滙洲渚願言濯塵纓虞夏茲焉處
清王金鏡聯云是何爲甘餓首陽虞夏云遙三
綱倒地祇自了求仁心願聖賢論定萬古經天

畫縣長天華夷齊廟聯云亮節清風萬古不磨聖帝
賢王皆遜色明山秀水四時憑眺開雲野鳥共忘機

土神祠 舊均府縣治東南隅舊縣治土神祠已廢今治東南之土神祠現改爲財務局佔用

城隍廟在今治東南舊制府廟在右縣廟在左康熙戊子知府張公朝琮重修

（案）城隍廟之祀莫詳其始先儒謂有社不應復有城隍然蕪湖城隍廟建於吳赤烏二年唐以後則所在多有宋祠徧天下矣明初祀以壇後罷壇祀祭於廟以五月十一日爲神誕聽民間祈賽又於春秋仲月二分日致祭

祝文維神憲懋聰明功隆捍禦壯金湯於千載崇嘯表畿甸之規節風雨於四時和會佐歲功之叙禍淫福善顯呈有赫之靈威阜物康民默相無私之化育神庥不應祀典宜昭敬練日時肅陳牲帛馨香唯德鑒格在茲尙響

郡守唐敬一初致告文云維康熙十一年壬子七月甲辰朔禱日辛亥直隸永平府知府唐敬一等謹白迺心敢昭告於本府城隍感應之神曰嗚呼早魃之災帝天非無因而降凡我僚屬奉天子命牧養斯民未能實心撫字致此失業遺黎類多饑寒失所其或溢怒淫威刑罰失中再或吮民膏血寄我溫飽有一於此皆足以上千天和下積人怨太守頑冥不察諸司怙過不悛災及己身固其宜也民何罪之與有而罹茲凶鞠耶惟神血食北平職司幽贊與太守表裏斯民若太守無德不能格天

曾神猶將顯震英威謹太守以回天怒若太守苟可告無罪於百姓則今之不雨萬竈立見烟寒當亦非神之所安坐而默默也謹告

再致告文云敢再告於本府城隍之神曰嗚呼惟神以帝天喉舌之司造下土一方之命今此下民所爲歲時伏臘烹蒿悽愴而奔走恐後者凡以爲今日也北平財盡民窮所恃以延如線之生者惟有秋是賴目今禾黍垂成而驕陽不雨萬姓攜妻挈子頭搶地聲震天太守惴惴悔過是用率茲僚屬匍匐伏禱求告廟前言尊神亦聞之矣朔九午刻仰見陰雲密布驟霖霏霏意微尊神響應之靈不至此其如敷澤未幾屯膏如昨豈太守之呼籲有胸無心神不我格乎抑亦神將吐我而帝天之視聽果高遠而不見不聞乎非是則天道好生當必不忍縱旱魃之播虐此一方民若是其甚也太守父母此一方者也尊神饗俾患血食此一方者也百姓不敢呼天而呼父母太守不能問天而問尊神若三日不雨土膏竭十日不雨千里其賴矣嗟此子遺弱者轉壑強者揭竿擬走流離將不旋踵則太守與尊神必有分任其咎者也神其鑒而裁之謹告

三致告文云直隸永平府知府唐敬一等謹免冠匍伏大聲疾呼三致告於本府城隍感應之神曰嗟乎此方之民何不幸而罹此旱虐耶北平古稱瘠國其民刀耕火種其地水立沙飛產無百畝之遺家無儋石之儲所恃上天降祥時和歲稔顧此遺黎尙得與畿輔七郡之民承丁負版以上報天子者饑饉不臻而不忍輕去其鄉也嘉乎今何不幸而罹此旱虐耶下官敬一奉天子命來守茲土未敢登堂受事先入廟而謁尊神循朔望跪拜之儀盡人神祈格之禮豈有他哉良以此地方久遭兵燹

小民鵠面鳩形象之弱肉無幾不堪強食是用簡刑息訟調羹蠶刁片紙獨供一錢不罰期與二三赤子休息相安以盡太守心所欲爲力所能爲之事庶幾假此可告無罪於天子也至於捍大災綱大患人謀所詘則太守有所不能者而神實能之此有皇上帝所以特簡聰明正直之仙班勅爲保障城隍之顯爵俾尊神理幽贊陽冥麗此一方民以輔佑天子於以享此一方之血食而無愧也此其義與下官之奉天子命而撫摩茲土者將無同今下民罹茲旱虐雖或天運使然在尊神亦有不能自主然而天子者天之子也所以代天而子民也尊神則天之夷而太守又天子之吏也無非爲此民也譬如父母不慈孝子未

有聽其違道而不近幾以諫者人主有失忠臣未有徒畏膏斧而不折檻以諍者況乎帝天仁愛養育萬物是其本心而大兵大荒不過數十年而一見古之人主六事自責舍腹吞蝗亦一言之善遂可回天此又人事之彰彰者矣若必欲盡此一方民而餓之饑之使之流離轉徙而不惻然念者斯又必無之理矣今者陽日以曠禾日以稿萬姓呼天搶地聲徹重霄太守匍伏

悔過叩頭流血一告不已至於再再告不已至於三凡若此者非敢爲瀆也誠欲尊神大彰捍綱之能以茲下情上告天帝亦如孝子之諫其親忠臣之諍其君挽回天怒爲民請命而已若三告而神不應是必尊神之芻狗生靈而虛擁天爵也尙不能

與人世之敦倫聞道者比其亦何神之與有語云雖有惡人齋戒沐浴可以紀上帝誠爲之通也今太守之夙興跪禱而咄咄不休可謂至矣而神不我聽則早其不可藥矣民其無如何矣望見千里如焚窮簷熄燭析骸易子盜賊繁興且震驚城社

絕滅蒸膏勢所必至太守既無面目見此北平父老即尊神亦豈能覩然血食對萬姓而無惴乎此太守之死不擇音泣盡而繼之血也謂神不聽當不其然神如有靈其疾告帝天立驅旱魃以造萬民之命再三日不雨則太守不職尊神不靈不靈者

法當黜太守其囚服綬頸遷尊神之行主於日中共受天罰必大雨乃止謹告

謝雨文云謹以牲牢魯酒致祭於本府城隍感應之神曰於赫惟神至正至靈有禱必應理幽贊明降此特雨粒我蒸民捍災御患振古英名回天有力記過無心於容愆服其量於慶魑敬其能民其蘇矣永奠北平太守暗昧陳辭失倫譬彼育子罔測

高深今日之奠悔罪負荆神不我吐惠然來款尙饗

郡守張朝琮祈雨牒云伏以水旱薦臻雖屬天行之數齋明精禱冀回上帝之心官吏憂惶閭閻愁歎知府張朝琮等頓首稽首具言竊維此邦爲上國之東藩厥田類冀州之中等蓋山禽幽壤地利既匪比神皋而恒雨愆陽天時又每違人願念夫深

村窮谷豆屑雜穡過豐年而猶見際此鑠石流金木饑火旱度凶歲以何堪刷自春夏以還疊被災侵之至蠶斯未滅海若旋來今旱魃又見告矣何蒼生罹此極歟凡皆人事之廢荒以致天災之示儆予誠有罪其又何辭然上帝以好生爲心而神明

得體天行道官之失職可以降殃民則無辜還期錫福若五日不雨十日不雨是使壯散四方老填溝壑詎五日一風十日一雨不在平平之世蕩蕩之天伏望神人協德視聽同心大雨時行即俾四郊鑄足甘霖早霽更期頃刻飛來則田畯野叟不廣

之雲漢之詩而鼓蜡歛幽
共享太平之樂矣謹牒

祈雨第二牒云伏以精誠通冥漠不逾呼吸間大旱望雲霓未慰閭閻之望謹申悃幅瀆神威知府張朝琮等頓首稽首具
言竊惟上帝之覆庇蒼生過於慈母之保全赤子有求必得無感不通今乃彌月不雨殆將逼境成災呼天搶地之徒然縱陰
閉陽而罔效念此終年之勤動與夫稼穡之艱難而饗飧不給既無以養其父母又不能甯其婦子亦情景堪憐雖則天心仁
愛偶寓傲於鑠石流金然而民口怨咨常不離乎祁寒暑雨朝琮等饑食遷居凡以敬求民福斷屠禁酒未能感格神祇罔不
夙興夜寐倍切憂思因之尙德緩刑載深修省所望天流霽澤不致海國如焦俾引領有豐穰之象則撫心無饑餓之憂庶幾
百蜡一娛各安田里抑且庶鮮艱食幸免嗟來縱未能若堯舜之世比戶可封亦可以見天地之大於人無憾伏乞鑒此馨香
賜民珠玉騰雲致雨勿徒江上空雷轉化為
龍仁見黑風吹海公私之慶早暮以需謹牒

馬神廟 在城南二里隆教寺今廢

龍神廟 在陽山西麓今廢

舊在城南十里灤河中流明萬歷十五年
圯於水清朝光緒元年同知唐津重修

(案)唐祀龍池如雨師之儀用中祀禮宋有五龍祠因唐禮行其祀皆封王爵清雍正二年封四海龍王東曰顯仁南曰
昭明西曰正恒北曰崇禮乾隆二十四年禮部議定於春秋仲月辰日致祭用帛一爵三羊一豕一簋各二籩豆各十
知府常文魁重修龍王廟記云余丙辰歲來守永郡明年丁巳春早祈雨獲應越戊午春旱甚祈雨又應連年豐稔固朝廷之
福實亦龍神之力所致也詎已未夏初旱虐異常草枯地赤我皇上愛民如子焦思亢旱諭禮部府尹禱雨郊壇又躬率大小
臣工步禱真堯舜復見於今矣余仰承片命俯膺民社敢視為膜外乎即設壇於八蜡廟率屬員紳士日記神前夜宿齋壇至
三日竟不雨轉而思之易云雲行雨施盡於龍神是求詢之耆老咸曰龍王原有專祠在南山之麓余即跣足趨謁見殿殿孤
存神像頽圯考其殘碑廟建於明季宏治十一年盧龍善士李綱創正殿三楹谷冕添建一廈後正德元年孫讓增一香亭至
萬歷乙卯重修而擴大之緣歲久坍塌於是跪而祝曰天地好生苗關民命惟神有靈來朝降雨余當聿新厥祠永祀香火及
暮陰雲四布大雨滂沱噫嘻龍神之靈一至於此是神之無爽於余余何敢爽於神乎爰不惜罄囊鳩工備物不募一文不派
一役奮向西北卜改南向構正殿三間廡六以及大門戲樓齋室茶房煥然一新又中立牌坊以肅威儀旁列碑亭以志歲月
廟外西北隙地圍以垣隸仍築舍三十餘間招集鄉民居住以充廟戶又置近廟民田八十餘畝印契存廟以供神前香火之
資費且資廟戶焚修之廩糈內而神像莊嚴上而殿宇巍煥外而廡舍鱗集雲山環拱灤水于迴斯廟之悠久可期萬祺矣余

湧石以志非示功也願後之君子景此靈應接踵以修庶幾垂之弗替云

己丑六月十五日大水圍郡城西隄上牆九尺知府張朝宗告龍神文云麥已熟矣而雨是不能刈以穫也禾既興矣而雨是不能秀且實也無麥無禾民無食也江水漲流偏此郭郭辭屋窮檐汎濫潰溢視此下民扶老攜幼而無所歸者也是守令之憂也守令不足恤百姓何辜俾至此也懇災捍患神之職也及今不雨則豐年猶可望也引狂瀾而遠去百姓頌神明也神其聽我降以福也無使斯民無食無歸以勤我天子憂也敢告

明郡人韓應庚河西范家莊重修龍王廟碑記云河之諸沃野連阡平原如鏡不井授而聚廬耕鑿者歲浹登僉有赫肯之想居然一樂郊也雖萬畝之告成固然有以相之夫相之維何上不在天下不在人而代天之工以立人之命則噓氣成雲轉不知其所始化不知其所終而瞻見乘時靈莫靈於此者乃其所自靈也非能使爲靈也異哉其所憑依乃編氓衣食之所憑也故曰龍之爲靈昭昭也不可以形像求形像求焉亦不得已也夫廟貌傳新歲時奉酒盛以告示虔也顧重淵之神物而斗室可居夫乃非其宮乎昭陽之南呂月會守朱守成等特拓而新之厥基孔奠厥材孔良厥匠得心而應手背孤竹而面平山壁丹夕映五采垣成不日而工竣古靈臺弗速於此夾壩樹以松杞久而叢然林也風吼如軒壯奕世威靈禽鳥飛鳴其上亦足以齒歲事且父老勤動或時遊憩其中監茲在茲飲水思源可以識不忘可以垂不朽自茲以後雨暘時若蝗不入境伊誰之力龍王不有歸之造物造物無心歸之當境之靈萬歷癸丑仲秋

東嶽廟

一在東郊外里許

今其牆垣頽敗殿宇尙存

一在城南開元寺西

今廢

一在九百戶

創建年代無考據傳其地遼闊某代

欲立縣城先建東嶽廟後其事不果而廟依然存在考其殘碑清康熙均重修現牆垣已頽倒

(案)博物志云泰山一曰天孫言爲天地之孫主爲召人魂魄知生命之長短者其見於史冊後漢書方術傳三國志管輅傳之類是元成以上無有也而釋家又有十殿閻羅王及地獄變相之說殆魏晉以下之人所附會耳今嶽廟塑之

明郡人白瑜重建東嶽廟碑記云東嶽考之博物志云天孫五經通義云岱宗巖巖虞柴漢禪爲竟之鎮而魯之瞻也薄海內外靡不像祝之際招提蘭若有加焉吾平屬冀北乃不它祀而獨祀東嶽何也瑜誦孔子不敢舉幽怪詭譎之說以駭觀聽蓋東方主生氤氲兩儀育成萬品故借肅慎禋祀報天地萬品生生之德政遼皇明封號大生意也廟不知創自何年自嘉靖年重建中間如伯父鉞諸鄉耆亦有修葺無碑可稽迄今又六十餘年隆者撓翼者折頽者欹者且崩且仆苦壁淒風雨古木亂禽鴉善土嚙向卜改於東趾似吉遷焉然而新規未易竟而舊宇益不支乘之者遂棲爲禾稼之場矣夫神之精英赫赫猶水之流汎滔滔何拘方向乃爲人司命翻聽於人不能自衛其土木遺形傷哉矧龍山灤水點翠飛虹居民環聚真福地也何奈

舍此而就彼邪瑜每過不忍仰視猶見祈者死者之家焚告於此灰落石墟間瑜歎歎久之是入所乞靈是神所憑依也亟圖新之隨審形勢鳩工庀材首正殿次配殿次東西二司大門周垣亡庚而加圮庚而壯隘庚而增貌庚而煥氣亦漸庚而揚自壬子夏至癸丑夏逾一年而事竣舉事之日戚友欲捐金助力辭之僉曰詩稱以享以祀以介景福福徵於一人何如福徵於衆人也無乃大顯乎余應之曰否鬼神降福亦誅不善誠則享溝瀆可薦不誠神其吐之聞之聖賢受福之說福者備也謂備大順也內盡於已外順於道臣忠子孝之謂備非以我望報於神神以福顯醉於我也人神豈市道交邪瑜與鄉耆友盟神既主生我輩宜體好生之心寧弱勿疆寧讓勿爭寧拙勿巧寧夷易勿高陵寧取長覆短勿傳訛捕風寧願人安勿忘人富已貧天地是大父母四海皆我弟兄生機既活神鬼自欽災沴全消豐稔薦登慶厚閭閻愈於我一家之有慶也瑜何祈福之有瑜又有慨焉廟之壞也新之我輩有行亦當新毋壞厚礎培基固藩室隙此身之壇宇坊表能植無虧所以掾敗而自完也不與廟常新哉期共勉之謹勒石以俟來者萬歷已未

八蜡廟 在東南一里今廢

（案）伊耆氏始爲蜡其神有八一先嗇二司嗇三農四郵表驟五繡虎六坊七水庸八昆蟲蓋與社稷相表裏同爲農功祈報之典乃以舉國之人皆若狂而孔子不禁善夫郭建初之言曰蜡祭雖爲民而報神實因神而樂人也

知府常文魁新建八蜡廟記云案禮經云蜡祭者有八一曰先嗇二曰司嗇三曰農四曰郵表驟五曰繡虎六曰坊七曰水庸八曰昆蟲斯皆苗之神國家之豐亨闢焉生民之憂樂繫焉故昔天子歲十二月台聚萬物而索饗之緣仁之至義之盡祭之以報神功乎余丙辰歲暮來蒞茲土越明年丁巳歲早秋七月有報蝗蟲西至豐潤縣者蔽天東飛鈴鈴驚悸勞勞感傷遭此蟲食國賦無出餽餼難當余聞而歎曰天降斯蝗實我不德即用剛鬚柔毛率閭閻官生商民迎祭於八蜡廟之神前祝曰惟神最靈祈證羣生五谷嘉禾萬物性命惜斯性命風雨遂候而北飛沿邊遠騰遂不成災永屬豐登豈非神靈之默佑維護而然也觀其廟宇狹隘余與官生商民共議廣袤故經營斯地斯地原文昌移建遺祉山環水旋精秀難摹宜可建焉余先捐資覓匠鳩工每親省試官生商民咸爲樂輸不踰月構成正殿三間兩廊六間茶坊四間戲樓牆垣繪事丹漆燦然一新甚勝觀也庶可以報豐功厚德於萬一耳茲廟既竣妥侑神明恒格享祀斯郡維康千億萬年勿遭蟪蛄勒石以銘用志不忘

蟲王廟 在八蜡廟內今廢

三皇廟

俗訛爲藥王廟 在治北已廢今改公安局